

9

THE CHINESE-JAPANESE LIBRARY
OF THE HARVARD-YENCHING INSTITUTE
AT HARVARD UNIVERSITY

BUNKODO

JUN 21 1954

卷之四十一

卷之四十一

卷之四十一

天子氣為赤白黃在四方...

天子氣有進佳其地...

天子氣有進佳其地...

天子氣有進佳其地...

天子氣有進佳其地...

天子氣有進佳其地...

天子氣有進佳其地...

觀象玩占卷之四十一

雲氣

帝王氣

天子氣內赤外黃在四方鬱、如、所發之處當有王者若天

子欲有遊往其地亦先發此氣遠近里數如法計之吉凶以

日辰生剋決期以支干數法又曰天子氣如城門隱、在氣

霧中恒帶殺氣森、然一曰天子氣如華蓋在氣霧中或五

色又多在晨見又曰天子氣如千石倉在氣霧中又曰天

子氣五色如小鎮又曰天子氣如高樓在霧中又曰氣

像青衣人垂手在日西天子氣也又曰敵上氣如龍馬雜



皆有深謀不可擊若在吾軍連戰大勝 軍上黑氣下赤氣
在前者將精悍不可當 軍上氣如蛟蛇向人此猛將氣也
若在吾軍戰必大勝不可當 赤氣上与天連軍中必有良
將 軍上氣青白而高者將勇大戰前白後青而高者將弱
而不勇前大後小將怯不明 軍上氣青而疎散者其將弱
可擊 軍上氣赤而高者將弱 軍上氣青而高者將弱
勝兵氣上与天連或如火光或如山堤上有林木或如埃塵粉
沸其色白或如旌旗无風而揚揮勢指敵或白色氣粉沸如
樓緣以赤氣或如人持斧向敵或如蛇頭牽向敵或如埃塵

前卑後高或如牛馬頭依尾昂或如旌旗如鋒刃向人或如
人如牽牛或如乳虎或如皮帛或如雲舟或氣似堤壘前後
皆白此皆雄兵猛士之象不可擊若在我軍上急戰大勝
軍上氣黃白潤澤重厚者勝軍上發黃氣將士精勇不可擊
若在我軍可大戰 軍營上有赤黃氣上連于天不可擊
軍上有五色氣上与天連此應天之軍不可擊 軍上氣上
小下大其軍士日增益不可擊 軍上氣遙望如聞雞赤白
相隨在云中得天助不可擊 軍上氣上銳其色黃白圓而
澤者其將勇猛士卒能強戰不可擊 云如日月而有赤云
繞之似日月暈狀有光者所見之城邑不可攻 云氣如伏

虎居上或如華蓋或如杵形向外或如赤馬或如山皆不可
攻敵上有氣或云如中天至而及我軍有此而不變不可
攻軍上常有氣者難攻有云狀如鳥飛去者其國戰勝
兩軍相當敵上有氣如飛鳥徘徊或乘而高者兵精難擊
夜視彼軍上有黑氣出上有赤氣臨我軍上彼強我弱能
破強小能擊大、戰大勝小戰小勝望四方有赤云如鳥
在氣中或如人十十五、有行列或狀如旌旗在鳥氣中有
赤云氣在前者其兵強銳不可當上有云氣如三足帛前橫
後大在軍上者戰勝

敗兵氣

囚瘠枯散如馬肝色或如死灰或如僵魚或如僵蓋或乍見乍
聚乍散如霧始起或如羣羊羣猪在氣霧中皆衰氣也軍
上氣如死蛇如擊牛如雙蛇垂頭如蜚鳥四散如決提垣如
壞屋如人无頭如人相指如驚鹿相逐如兩雞相向或如人
頭如揚灰如撈席如懸衣如匹布亂攘如人相隨或如粉如
塵勃、如烟或五色雜亂東西南北不定或如群鳥亂飛或
紛、如轉蓬或敗船或如卧人无手足或如衆車札不起者
皆敗軍之氣擊之必克軍上氣上大下小者軍士日減
軍上十日无氣發者其軍必敗十日无氣而忽有赤白氣乍出
即滅者外兵款戰而實款退散軍上氣如火光夜照人者

軍士散札 軍上氣出而半絕者款散敗漸盡者走一絕一敗
再絕再敗三絕三敗東方發白氣者安深 軍上有氣如雙
蛇守日急往擊之大勝勿疑 軍上有赤氣安降于天士卒
衆札將死 赤氣如火光從天流下入軍、札將死 軍上
有氣蒼、須臾散擊之必勝若在我軍且嚴備固守之 軍
上氣前卑後高者敗 軍上有黑氣如牛形馬形從氣霧中漸
入軍名曰天狗食血其軍敗散 軍上氣蒼黑札者士卒
飢 兩軍相當十里之內三里之外望彼軍上氣高而前青白
散者敗氣也急擊之 云氣如人頭臨軍上戰大敗血流滿
路 云氣如雞如兔臨營上者軍敗走 云氣蓋道蔽濛登

晦者食不暇炊食不暇熟宜急去之不然必敗 軍上氣黑
而卑而橫狀軍不移必敗 軍上氣先青而漸變黑者其將
款死 敗軍之氣如燔生州之烟前雖銳而後必退得便擊
之勝 黑氣臨營或聚或散如鳥將宿者必有畏懼心志不
定終款逃遁逼之大勝若我軍得之宜善撫士卒如云如鳥
折其出如蚤其國戰不勝 敵上有云氣如丹蛇者擊之勝
有云氣如尾在氣霧中臨軍上者中人与外人通 軍行有
白氣如猪來臨者軍大驚宜備之 軍上氣如猪來臨者
日暈有氣者如死蛇屬暈者將死兩軍相當不利先舉 日暈
陽有赤云如懸鐘其下將死 日、月暈有背氣所臨者敗

軍上有白虹及曲虹者敗白虹及蜺入營者敗日暈氣薄
惡及後至先去其下軍敗日暈有四缺在外軍悉敗散
凡日月暈與氣以先有者為發後先去者為敗軍上有日
傷虹蜺不可逆之若得其逆且先去之
降氣如人十十五皆依頭又手相向或氣如黑山以黃心綠
者皆降伏之氣也白氣如鳥翅入也營連絡不絕而須更
下者當有他國來降
暴兵氣白如蔓瓜連結部隊相逐須更罷而復出或至八九而
未不斷者有急賊倖至且防之白氣如仙人衣千方連結
部隊相逐罷而復出如是者當有千里兵來且備之

黑氣從彼來之我軍者款敵我也襲人急宜備不宜戰敵逆從
而擊之必得小勝天色蒼茫而有此氣依干支日數由无
風雨則所發之方必有暴兵日剋時則凶時剋日則自消散
此氣所發之方當有使告急一人未則氣一全依數計之若
散滿一方則有衆未依日干支數內有風雨則伏氣如人
持刀看或有云如坐人赤色所臨城邑有倖兵至驚怖須更
去赤氣如人持節兵未息云如方虹或如赤虹其下有
暴兵云氣如旌旗其下兵暴至云氣如虎躍如人行色
白而倖者暴兵起云如人行止而不崩者有暴兵白氣
如帶道竟天有暴兵候敵氣上有云下有云者兵必至

白虹所出有暴兵流血 赤云如火所向兵至 云氣如匹布
着天徑丑未者天下多兵赤者尤甚 有云如胡人列陣天
下兵起 白氣廣五六丈東西竟天、下兵起云如匹布竟
天、下兵起 日出沒時有白氣如匹布竟天天下兵起日
出沒時有白氣如匹布竟天着天而行長或竟天或十餘丈
有声者天狗也其見則兵大起 有云如豹四五枚相聚其
國兵大起 云如狗四五以上相聚兵起 四方晴明无云
獨有赤云赫然者所見之地兵起 四望无云獨有黑云極
天名曰天溝天下兵起云半天則兵半起三日內有雨則灾
解 壬子日四方无云獨有云如旌旗其下兵起若徧四方

則天下尽有兵 云氣一道上白下黃或白色如匹布長數
丈或上黃下白如旗狀長二三丈或氣純赤而委曲一道如
布帛皆謂之虫尤旗見則兵大起

伏兵氣如赤旂在烏云中或如幢節在烏云中或云如鳥或如
人在赤云中或有黑氣渾、圓長而赤氣在其中或白氣粉
沸起如樓狀皆有伏兵不可輕擊若軍行近山林坑谷之間
當慎防之既是伏兵之地而又有此氣者勿疑 云紛、綿
、相绞及似蒿州長數尺許者此以車騎為伏兵 云如布
帛之狀似蒿草長數尺許者此以步卒為伏兵 黑氣出營
南賊延我後有伏兵謹候察之有則伏之无追 兩軍相當

赤氣者伏兵之氣若前有赤氣則後有伏兵後左右如之審
察之則知其所在 黑氣云變赤及白形如山者有伏兵 有
云如山林兵在外有伏兵 前有黑氣而後有白氣者有伏
兵 軍中有氣黑氣色上起而有赤色在其中者皆伏兵氣也
宜審察之不可輕擊

戰氣如人无頭如死人卧如丹蛇赤氣隨之必有大戰殺將
四望无云獨有赤云如狗入營頭下有流血 四望无云
獨有赤云如三蛇其下有大戰流血 四望无云獨有赤氣
如雲其下有戰 白虹或赤居虹見城營其下有大戰流
血 赤虹居旋停住其下有流血 白氣如車入北斗中轉

移者下有流血大将戰死 云如耕隴其下有兵必大戰
日傷有白氣如虹兩軍相當必戰无軍而見者兵起 日有
白氣若虹交見者從上擊下勝無軍而見者兵起兩軍相當
又大戰 四五六白虹見者有大戰

日月有赤云截之如大旂軍在外万人戰死其下兩軍相當不
利先舉 日暈有一缺万人死其下兩軍相當不利先舉
月初滿而能有軍必戰 蒼白云氣在天其下有拔城大戰
赤氣漫如血色有大戰流血

陰謀氣
白氣羣行徘徊結陣來者他國人欲來相圖謀也不可應視其

所往隨而伐之可得黑氣如幢出于營中上黑下黃敵款
來求戰而无誠實言信相反九日之內必覺備之吉黑氣
臨我軍如車輪行敵人謀亂國有小臣勾引宜察明之黑
氣逆行中含五色臨我軍上敵人有合謀伐我者宜謹備之
黑氣如引索來入陣前銳者有陰謀天沉陰不雨三日
已上晝不見日夜不見星者陰謀也將軍宜慎左右及敵使
五日至七日有謀蔽人主奪將權亦為刑殺事起有篡逆事
連陰十日亂風四起欵雨不雨其名曰濛為臣謀君故曰久
陰不雨日下必有謀上者天沉陰日月俱无先有云障之
而不雨此為君臣俱有陰謀兩敵相當則陰相謀若昼陰而

夜月出則君謀臣夜陰而昼日出則臣謀君日月濛无
光士卒謀内亂將軍宜循法度察有功以自明正嚴刑而伺
奸人作謀議

壘城氣

正白如旌旗或白色如旗而赤界其邊或氣出于外如火烟或
有云如而分為兩等狀其城壘皆堅不可攻白氣從城中南
北出者不可攻城上黑云如星名曰軍精圍之者宜急去
有兵突出容敗赤云臨城或黃云臨城中皆大喜慶
青氣從軍城中南北出者城不可攻城營上有云氣青色
如牛頭觸人外向者不可攻城中有氣出光黃此天子城

也不可攻之者死。白氣從中出青氣北入及復回還者
軍不得入城。凡攻城圍邑道旬不雷雨者為有輔疾去之
勿攻。城壘氣出于外如火烟者主人欲出戰其氣无極者城不
可攻。城上氣如雙蛇舉首向外前卑後高者不可攻。赤
氣如旂形從城中出向外者內兵突出客敗。城中氣不見
於外者不可攻。有赤氣從城上出者內兵出宜備之。凡
攻城有諸氣從城中出入吾軍者敵家氣也客宜備主人
濛氣遠城而不入城者外兵不得入。
日暈有青氣從中起四出者圍中勝。

屠城氣

赤如飛鳥散亂或赤氣如敗車或赤氣如狸皮班及正赤色或
云如衆人頭赤色者皆敗亡之氣也。城上无云氣士卒敗
散。城上氣如死灰色者上下出及可攻。曰攻城圍邑其
氣如疾出而還覆其軍上者多病城可屠。氣出復入者人欲
逃背攻城圍邑其城營上氣聚如樓外見者攻之可得。城
中氣起而上正赤者可屠。攻城圍邑城上氣如灰謂之灰
城可以屠。城上氣如雙蛇前高後卑者城可攻。赤氣在城
上黃氣四面繞之城中大將死其城降。城營上氣如灰色
出而東可攻出而西可降出而南所无止用日久長有氣從
城外入者可攻。有白氣如蛇在敵城上者急攻之少緩則

失之若從其城未指我營者則急宜固守也 攻城有白氣
繞城而入之者隨所入急攻之緩則失之若氣從其城東指
我營則宜急歛兵固守 云氣如雄雉臨營陣其下必有降
者城中氣出氣箭高後卑或上大下者皆敗也濛氣圍城
而入城者外兵入城攻城者不雨濛霧風至兵勝 有氣如
蛟頭自內向者城可攻 屈虹從外入城中三日內城可屠
城上氣出如漫血所臨者敗 日重暈而有白虹貫日圍
城客敗

軍城氣候雜占

凡初出軍日天氣昏濛云色沉陰寒慘者必戰若清明和暘風

塵不動者不戰有青氣見軍之王相上者當成交戰不見則
不見戰

凡出軍向東伐而有白云從西來因隨而擊之勝若有赤云或

青云從東來逆軍者急宜屯守他處

凡對敵在東方白云東方而又有云東來相逆須更過者云

已去而又有風隨之望之有龍虎之狀不可戰若我軍得之

戰大勝云雖從而風逆者不可戰

凡兩軍相當午且視其所向甲乙日有白云丙丁日有黑云戊

己日有青云庚辛日有赤云壬癸日有黃云皆不可動 兩

軍相當赤云加西方客勝加北方客敗加東方不勝加南方

軍還餘傲此
凡遇四方盛氣不可向戰之甲乙日青氣在東方丙丁日赤氣
在南方庚辛日白氣在西方壬癸日黑氣在北方凡戰得此
者勝向之者敗

凡天有五色云氣望東西南北至子午卯酉若百步千步一丈
十丈百丈數百丈如車道与日辰相剋者大戰不相剋者不
戰旺氣所臨有天倉兵強相氣所臨戰勝將吏有功死氣所
臨病疾死喪飢饉破敗亡囚氣所臨被圍降伏休氣臨兵罷无
功士卒亡敗 天有青氣入營弱兵驚 天有赤氣入營兵
暴驚 天有黃氣入營兵和解 天有白氣入營兵強 天

有黑氣入營士卒大疫一曰兵相殘宜徙營
凡有云氣橫來者兩軍不合宜先伏止當有遁將
凡出軍有黃氣臨營西向東向戰皆凶此向吉
凡軍行有白氣如虹軍大驚宜備之赤云臨軍乘西戰者其軍
敗軍行有憂

凡出軍欲知賊得否赤氣前行而後有黑氣相隨之赤氣滅賊
可得若赤氣獨行无黑氣隨之者賊不可得黑氣如死人頭
在營上敵入有所獻且求降許之不許必戰功雖成而士卒
多死 黑氣如積土在我軍上敵未挑戰或襲我必堅守
任月敵心自離、而後戰大勝 黑氣如龍如虎如馬如蛇

小人在位 云氣如日月暈赤色其國有兵青白色大水
日出沒時有云橫截之白為喪赤為兵黑為驚三日內雨者
解氣上豐下殺有若木皮春黃夏白四季黑秋青冬赤是
謂亂國之氣 黃黑云數道皆如疋帛布貫日其間道有白
云如魚鱗者有刺客 云如疋布行國都中其君有憂 云
狀如龍行其國大水人隨流止 云如巨魚疾行中天其色
蒼黑有大風大水災 云如人相揖兵起民流 云如五人或
如三牛邊城圍 云氣如牛車相隨有大水 云溷 如土
色土功與 赤云如牛死角三日內有大雨不雨不出三十
日此夷兵起 殿庭中氣出如霧其君以憂死 天无云而

有云氣自廟四出者兵起國亡 凡陣云如立垣杼軸轉兩
頭銳灼云如繩君前亘天其半半天其摯者類關旗鉤云鈞
曲皆五色占之若澤而密其見動人必有兵起軍在外則戰

九土異氣

海旁振氣似樓臺 廣野氣成宮闈 自華以南氣上黑下赤
嵩高三河氣正赤 恒山之北氣青 渤海之間氣正黑
江淮之間氣皆白 東海氣如筍簦 河水氣如引布 江
漢氣如杼 濟水氣如黑狐 渭水氣如狼白尾 淮南氣
如白羊亦曰如帛 少室氣如白兔青尾 恒山氣如黑牛
青尾 東夷氣如樹 西夷氣如室屋 南夷氣如關臺或

如舟船旂旗 此夷氣如羣羊如穿廬 韓云如布 周云
如車輪 秦云如行人 衛云如犬 魏云如鼠 齊云如
絳衣 越云如龍 蜀云如困 宋云如車 吳云如日
當其地而見者不占

軍陣異氣

云氣如三疋布前廣後銳此大將軍行氣也 軍氣乍高乍下
往、而聚 騎氣卑而布 卒氣博前卑後高者疾前方面
後銳而卑者却 其氣平者其行徐 前高後卑者不止而
返 板騎之氣正蒼黑長數百丈 遊兵氣如彗掃長數百
丈无根本 喜氣上黃下赤 怒氣上下赤 憂氣上下黑

土功氣黃白徙氣白

凡候氣之法氣初出時若云非云若霧非霧彷彿若可見初出
森、然若在桑榆之上高五六尺者是五百里外氣也平視
則十里舉目鑿則五百里仰瞻中天即百里内平鑿桑榆間
二千里發高而鑿下屬地者三千里

凡候敵之氣敵在東日水候之在南日中候之在西日入候之

在北夜半候之 欲知我軍常以甲巳日及庚子午戌日未

月寅日及卯月十八日古軍十里登高望之但百人已上則

凡皆有氣

凡氣欲以翫上炊氣勃之而上并積結成形而後可占 氣不
積不結散漫不守不能為灾祥必須和雜殺氣森入然乃可
論之

凡軍城上氣安則人安氣不安則人不安氣盛則眾盛氣衰則
眾衰氣散則眾散

凡氣得旺相色吉休囚死色凶
軍上氣高勝下厚勝為實勝虛勝長短澤勝枯

凡推灾祥必推九宮分野六壬日不應陰霧風雨其應乃準
凡候氣常以平旦下晡日出日沒之時蓋氣多假日月光躍照

之而形故暈珥抱背皆出日月之旁虹蜺想像莫不因日而

見是故昼候日旁夜候月旁輝光所燭无得而隱矣凡氣見
近三日遠七日內有大風雨則灾不成故曰風以散之雨以
解之

觀象玩占卷之四十二

霧

霧

霧

霧

霧

霧

霧

霧

霧

霧

觀象玩占卷之四十二

霧

霧

春秋元命包曰陰陽氣亂為霧

者百邪之氣本于地而應于

天謂之冒陽其占為臣蔽主明小人擅權不利于上蒙者濛

日不明也京房曰臣私祿及親茲謂罔辟厥異蒙又曰在

天為蒙在地為霧日月不見為蒙前後不見為霧蒙霧交錯

陰邪干正人君不悟必有亡國河圖曰山冬大霧連十日以

上不散者山崩之候也霧者水脈也

雜占

凡霧氣不順四時逆相交錯微風小雨不解積日晝夜昏暗者天下

欲分離

凡連陰十日晝不見日夜不見星亂風四起欲雨不雨其名為
濛下人有謀上者洪範傳曰皇之不極厥罰恒陰時則有下
人伐上霧氣若晝若夜其色赤黃更相掩冒乍合乍離散者
亦如之

凡天地四方蒙若下塵十日五日以上或一月或一時雨不沾
衣而有土其名曰霾古語曰天地霾君臣乖天大旱外人來
凡陰晦不見日星昏氣襲人慘、淒、者兵亂之象氣也故曰
若霧非霧衣冠不濡見則其邑被甲而被趨

凡霧從夜半至日中不開遂上為蒙者臣行奸政于民而君不
悟也氣從夜半至日中不解遂合為霧者君行邪政于民而
臣不諫也過日中似雨者臣強不避君也 霧終日終時其
國君有憂

凡霧連五日不雨不風其地有亂兵起 日出而霧連五六日
以上期六十日兵起 日中霧氣至昏不止其地易主 四
方日出即有霧其地大擾 凡霧氣四合百步不見人名曰
昏 昏昏不有破國必有滅門河圖曰霧乍合乍散臣有謀逆者
不成自止 凡霧從四方來合于中央即為兵起

凡霧色黃少雨白為兵喪青為疾病黑為暴出赤為兵旱又曰
霧色黃為大風又為有土功

凡霧下色如黄土名曰黃霧天鏡曰為天雨黃霧百姓奔亡又曰
黃霧四塞國亂兵起京房曰霧黃濁四塞天下蔽賢絕道其
絕世兵書曰白霧四面圍城必有兵至其城下不出其月无
兵期百日兵起又曰白霧四面圍城霧不入城不可攻霧
入城其城必亡 春三月清旦霧起再沉過三見命曰三帝
謀兵不出六十日兵起 夏三月卯時霧起再沉至三不出
百日兵起 秋三月暴風其雨朝夕見至三不出一年兵起
冬三月疾風暴雨狀如大云至三見不出百日兵起 春

卯日霧兵起東方 夏丁卯日霧兵起南方 秋辛卯日霧
兵起西方 冬癸卯日霧兵起北方 凡霧氣四合有虹見隨四時氣色无傷有則凶 白虹出霧

中奸臣奪君擅權立威虹頭尾至地流血之象虹出霧中其
年兵起 晝霧白虹見君有憂夜霧白虹見臣有憂 京房

易候曰甲乙日霧入疾病丙丁日霧有旱戊己日霧土功興
軍在外則有拔城庚辛日霧有兵壬癸日霧有水 甘氏曰
春甲乙寅卯日霧氣色青出東方行向敵者客勝 夏丙丁
巳午日霧氣色赤出西方行為利客主人凶 四季戊己辰
戌丑未日霧氣色黃出北行客利主人凶 秋庚辛申酉

日霧氣色白出東行利客先舉兵者勝後舉兵者敗无兵在
外為典兵冬壬癸亥子日霧氣色黑出南行利客主人受
其害凡子日有霧馬馳入走四時同然亥日有大霧從子
卯上來賊至邊城急防之戊午日霧起色黑累日不解兵
起若有兵在外為有攻戰十月壬癸日有霧赤色其地有
兵冬三月庚辛日霧不出三年兵甲滿野四時受商之
日夜半大霧至日中者兵大起近期七日若三日內有雨即解
八魁日陰霧兵大起春見秋發夏見冬發春見秋發冬見夏發
霧在其軍中則其邦君死將軍罷八魁日見陰陽書
凡風霧晦冥不辯昼夜陰為陽臣制君晨霧夜明臣制得伸夜

霧昼明白志不伸兩軍相當有霧即日有微雨者客勝霧
而不雨主人勝霧已除而氣彌天者賊多精明者賊少
凡大霧連三日羣獵起赤霧如塵沾衣冠乱兵起軍中氣非
云非烟非霧非霧形如禽獸主人亡

虹蜺

總叙

虹蜺者陰陽之交氣也陰陽之氣和則為雨露怒則為雷霆淫
則為虹蜺虹陽也蜺陰也攻者虹也陽攻陰也蜺者蓄也實
氣傷害于物如有所蓄也一曰填星之精散則虹蜺又曰虹
蜺者斗之孔精斗失其度則生之雄曰虹雌曰蜺多在日月

之衝雙出色鮮明者虹暗者為蜺祭筮曰見于日衝曲而青
紅者曰虹見于日旁白而直者曰蜺虹蜺主內亂主惑心

雜占

高祖占曰虹以立春四十六日內出正東貫震中春多水夏多
火災秋多水民流亡冬多盜賊 春分四十六日內出東南
貫巽方春大旱兵起 立夏四十六日內出正南貫離中大
旱災歲不收 夏至四十六日內出西南貫坤中有山水蝗
虫為害魚不滋 立秋四十六日內出正西貫兌中秋有水
有旱 秋分四十六日內出西北貫乾中秋多水虎食人賊
起 立冬四十六日內出正北貫坎中冬少雨春多水灾

冬至四十六日內出東北貫艮中春多旱夏多火灾粟貴
系房占曰以春三月出西方有青云霰之其夏多寒人病瘡若
赤云霰之夏旱黃云霰之夏小旱五谷半收白云霰之夏多
大風人疾黑云霰之夏多大水 夏三月虹出西方有青云
霰之秋多寒民病瘡赤云霰之秋旱黃云霰之禾廣收白云
霰之秋多大風黑云霰之秋多雨 秋三月虹出西方青云
霰之冬多寒人病瘡若溫赤云霰之冬大旱黃云霰之冬米
賤白云霰之冬多風黑云霰之冬多雨 冬三月虹出西方
青云霰之春多寒人病若溫赤云霰之春多旱黃云霰之
春雨調和白云霰之春多狂風黑云霰之春多雨水 虹出

南方无春夏秋冬所見之處風雨不時不出三年大飢百姓
流亡不歸虹出北方无春夏秋冬所見之處陰陽不和風
雨不時冬溫夏寒小民恣恣五谷不成其地大飢大旱三年
哭泣相隨一曰大旱百八十日民大疾疫

京房易飛侯曰虹凡相有五蒼无胡者虹也赤无胡者蚩尤旗
也白无胡者蜺也衡不由者天旂也直不下上不屈者天棓
也此五虹以甲乙日出東人相食丙丁日出南大旱庚辛日
出西其色多空戶五步六死壬癸日出北方人相食以
四五六月出西方麥貴七八月出西方粟貴九月出西方大
小豆貴十月出西方稻貴一出十倍再出再倍三出三倍四

出四倍五出五倍民流千里

虹立秋後見西方万物皆貴 虹秋冬出西方色多白天下小

口傷 虹以十月出東北方若東方其色亡 虹以戊巳日

出中央若西南方人君凶 二虹並見兵起期二年 五虹

並見天下大乱兵起天子黜期三年 凡九虹俱出五色縱

橫九女並雋後妃爭寵女謁乱行人主失威天下交兵 二

虹屈出其下大戰亡城 虹蜺亘天后妃陰脅天子虹蜺數

見后妃黨盛 方虹見有暴兵起 屈虹東出下有破軍殺

將 日旁有屈虹下有大戰流血 虹出橫至上反直而不

屈不出九十日民多病死不出三年大旱民流亡 虹出直

上行所出之地大旱民多妖言多病死 青虹東西極天兵
起虹三日不散不出一年大兵起 赤虹從天直下國亂死
主 赤虹如旂將死君亡流血成川 赤虹從東出其下大
戰驪大貴 赤虹與日俱出其野有急兵其所臨之色有憂
不可舉事用兵 白虹見諸侯起兵有女亂 天文志曰
天文志曰白虹百殃之本衆亂所基若見其年有兵又曰白虹
所出其下流血當其城必空 白虹如旂万人死其下 白
以貫日近臣為亂不則諸侯有反者 白虹首尾至地者有
流血 白虹夜出國易政 白虹夜出其年大兵起 白虹
從地中出所出之地大飢有大兵流血 白虹分裂為四五

段大戰流血 日旁有三四五六白虹交貫所臨之地流血
兩軍相當從上擊下大勝 白虹長十餘丈大如旂上下銳
或直或曲皆為大戰流血從所指擊之勝 秋三月有白虹
出西方兩軍相當急陣兵以待之若有赤氣冲之必獲城
白虹屈曲見城下上有大戰白虹繞城不匝謹守其缺 白
虹出城上軍中有亂 虹蜺狀如日月暈必有破軍先起者
勝 虹蜺五色重疊光色照地所照之處有兵起 京房占曰
蜺承日如抱珥邪媚在君側為媚欲奪正也 蜺因
日而表黃內青媚奪君也 蜺直者婦從外來候君 蜺欲媚之
也 蜺有虹而顏黑漸微者媚怨望也 蜺圍日復回下貫

者后妃乱不止天且示止之象也 蜺有迴日復下貫者君
喜其后妃而后妃乱政以止失國也 蜺見九重而圍日者
天下將大乱也 蜺在日旁中天而直者君在外通于臣也
蜺或迴日上下令五六丈表裏青者君与臣下為非也
蜺有四珥白氣貫之後妃有謀也 圍日君失德也 凡蜺見皆
陰挽陽后妃无德而以色親君陽道有失之所致也 凡虹
蜺連捲近日或貫日皆為后妃專政人君有憂 虹在日上
近臣為乱 日色赤黑有虹貫之君裁 虹出牽牛度中有
壞城 虹出須女度中后族強專國政 天无云有赤蜺貫
繞昴畢白主相伐 白虹圍軫有止國 虹貫太微后族專權

虹出地中臣子為逆 虹出宮殿園池或井中若下入之皆
不出其年君止政乱 虹出入人家屋中妊媢死家破敗
虹出入人家井中其家以兵傷一曰當出貴女而後家受其殃
虹自井中出或自外入飲井水其色兵有不則有盜賊相
殺傷事一曰虹出池井在國、空在家、敗 凡虹出
凡攻城有虹從城外入飲城中水者城破從外順虹攻之勝
屈虹入城、可屠 城中有黃虹貫之主喜青黑虹貫之凶
赤白大戰城陷虹垂頭于軍門有流血 虹蜺直指順虹擊
其所指擊之勝 絳氣小長如反弓下有止國 絳氣冬見
國有大喪有雨則解 絳氣極天三日不行不出三年天下

大兵青色者大喪 降氣五色或赤白徑丑未者或東西極
天者皆為大喪

京房曰有霓濛霧、下合濛如塵霓日旁氣也 赤蜺再重為

旱應在衝 黑蜺四背白虹雙出日中妻制其夫 蜺狀如

禽在日旁內寵奪后天子絕嗣 蜺狀四方日光不暘濛解

而溼人君淫媒同姓无別 白虹在日側黑氣裏之后妃不

正 白蜺貫日赤蜺四背人主寵惑妾而棄正嫡 蜺直在

左而交在右人主无嗣 白蜺奪日光尊卑不別 蜺出半

日没、而日出且雨臣私祿于所親

凡攻城对敵而有虹見其占在軍无軍在外則其占在君臣妃

后 石氏曰虹蜺在江河溪澗之內乃軒轅之變也見四維

即為陰雨見四方即旱以占國事灾咎蒼白多則為水為喪

赤多則為旱

雷

總叙

雷于天地為長子主發生二月出地百八十日雷出則万物出

八月入地百八十日雷入則万物入、則除害出則興利人

君之柄也人君發号施令上合天道則雷以時而出以時而

入若有不當發而發或當發而不發則皆号令失常之所致也

雜占

凡雷聲初發和則其歲善雷聲激烈歲惡人災黃帝占曰雷起
天门人不安起水門流沛滂沱起石門食禾大凶起水門
棺木貴歲大熟起火門夏旱蝗虫生起土門五穀賤魚貴起
鬼門人多暴死起風門霜傷五禾起金門銅鉄貴
京房曰雷起軋人多病國不安起坎多雨起艮禾登五穀賤
起震谷暴貴其歲豐惟木貴起巽雨雹傷五穀一曰虫
雷多早霜早降起離夏旱起坤舌傷禾起兌金鉄貴
開元占曰雷發聲于坎多水于艮山崩于震多風于巽大風于
離旱于坤土功興于兌兵起于軋天象也國安
天鏡占曰雷初起于東方五穀皆熟夜雷半熟起南方歲旱夜

雷大旱五穀貴禾不成起西方谷半熟多虫一曰其野有
暴貴牛馬大灾夜雷五穀虫灾民多病一曰谷貴大旱起
北方海溢川湧五穀不成夜雷百川皆溢起南方牛馬疫
國有暴驚民病夜雷赤地千里
師曠占曰春雷始起其聲拍、格、霹歷者雄雷旱氣也其声依
、音、不大震者雌雷水氣也
凡雷發非時大旱專政女主擅權人君失政賊臣將起傳曰雷
以陰陽和合震動万物春分發而秋分歲非時而鳴國破軍
殃雷非時而發在子日君側有讒臣盜起有水灾有死喪
哭泣之事丑日將相不安兵多出外且金庫而震動之兵

必出也。寅日胡兵起有妖言惑衆津梁不通有讒臣後宮
不安其所發所致之地人灾。卯日天子宫中不安大臣灾
万物不成。辰日兵起天子憂失也有水灾。巳日雷夷兵
動其地有兵飢。午日王宮宴樂无度其地有火灾有死喪
未日有大水有呪咀事大臣誅王侯庫藏有火其地有死喪
有兵疫。申日兵起其地將動軍有憂。酉日彙趙有兵起
胡兵動。戌日土工興戌為樓臺又為火庫有火灾官舍廷
動工役作倉粟出。亥日有水灾寒殺物兵起亥為六陰之
極故為水為寒亥位在乾故為寒之久為兵起也。
凡遇起蟄而不雷政弛民慢國勢將危。一曰當雷不雷君弱臣

強臣奪君政。二月雷不鳴五禾不實水虫多死。三月雷
不鳴秋多盜賊。四月雷不鳴君令不行臣專政。五月雷
不鳴大臣倖死五果減半。六月雷不鳴蝗虫生冬民多不
安。夏三月不聞雷五穀不成人多疾病。
春正月雷民不炊又曰為喪為疫應在前往所發之方。一曰正
月大雷王者舉事不時秋雷大鳴五谷不實諺曰秋雷碌
有稻无谷。七月雷大吼有急令。八月雷不鳴其國亡。所當之
冬雷震驚万物不成虫不藏兵起。冬雷上朔其國亡。所當之
鄉縣骨盈野夜雷尤甚。冬雷屈折不出三年天下更令。
冬三月有大雷聞千里國君出走霹靂以兵去聲温者心弱

古一曰天冬雷地必震一曰教令撓則冬雷民亂冬雷而有星下胡夷之王死中野又曰當日之國王死其所冬至日雷天下大兵賊盜橫行雷雨大作不出五年國亡
凡冬雷者陽氣不藏也冬以雷鳴之日知何方亦曰各以其辰為方春雷不發秋雷不藏兵起國亡上下不合則歲少雷凡雷而不雨人君舉事无益于民有風則其令行一曰上下不和則雷而不雨春不雨而有雷昏在地中者其所往兵起易占雷而不雨者其地有不實也
天无云而雷者其君无德其國將易万人不靜小民失命一曰天无云而雷是謂天狗其所當之地有大兵一曰天无云而

雷君不恤民下人將及雷先鳴而後電者執法貪苛也雷而不電者王者舉事不明雷或霹歷而无風雨者剛柔不均激氣並作君臣忿爭惡令暴出雷或霹歷甚大風雨俱至亂臣令大作動搖百姓雷震地裂大臣專恣士庶分離
春國且敗古雷聲格、雨下藉、人君无德百姓侮之雷聲連日不止謂之失信人君号令不常下人多怨雷鳴連延不絕人君行權不合于道民不知畏号令不行雷聲或在西或在東或在南北君令无恒臣下不知玄就大亂將起
春喪國絕祀
春三月甲子己丑戊寅辛卯戊午之日有雷電擊物其地有兵

春大雷大兵

春夏甲子丙寅戊子之日有雷擊物有兵在外則大戰无兵則

兵起期不出三月

夏三月甲子己丑戊寅辛卯之日有疾雷大風有軍在外大戰

圍城壞瓦兵起

春己丑丁丑夏甲子壬戌己亥丁未冬甲寅又曰春戊寅夏戊

申冬戊子日不雨而有雷電其聲光所及有死將流血

秋庚午日雷其地兵起期不出一月秋三月庚子日雷有惡令

不出一月冬三月雷鳴兵起利客不利主人

凡甲子日大雷不出三十日有惡令亦或兵起戊子日雷電

易主更民以其日八日深淺一日當一月或當一歲必有亡

國死王戊子日雷電三日止其下大戰不雨而雷外兵必

歸兵起必阻庚午日大雷不出期月有兵

八魁日有疾雷大戰大風起有急令八魁日者春己巳丁丑夏

壬戌秋己丑丁未冬戊寅也

凡夜半雷聞一聲或有電而无雷皆為人君絕令雷擊貴人之

殺小人持政地崩君亡不出六年雷擊宗廟君死國亡

天无云而有雷一聲而止謂之天鼓其地兵起

凡營上雷鳴一聲止使命至城營上有声如雷非雷有兵爭

兵發之日忽有雷鳴一聲不宜進戰軍上或對敵有雷從

我軍上起入彼軍中戰大勝從彼軍來入我軍者及是軍
帳上或有雷震一聲宜搜奸伏

霹靂

總叙

春秋繁露霹靂者金氣也其他音商說又震霹靂振物也釋名霹

歷折也所歷皆破折震戰也所擊戰輒破若改戰也

雜占

霹歷大風雨發屋折水小人在位賢人出走一曰大風霹歷君

用說言殺正人霹歷擊宮殿合誠圖曰女宮急潛潭巴曰臣

不用謀天鏡曰霹歷擊宮廷大夫謀逆不出五年大交兵流

血大霹歷擊宗廟乃是謂天戒人君暴亡不出八年削地奪
戰 軍中有霹歷聲下士卒叛

霆

總叙

京房曰霆者金之餘氣也金者內鏡而外冥凡无云而霆人君

以暴罰也霆中天而見人君自以為明也

霆如交蛇光明而正者人君行明而直也 霆正杰下至地而

復上者人君好聽讒言也 霆東西南北皆有者人君行殺

不避四時也 霆直而長光明者人君微行人不知之也

霆正黃而光澤人君行明也

霆而霧人君默行事不得實也不愛下將不制也 霆瞬、輝
、人君實不知而自明也 霆或死云而以昏數見者君以
微言而害人也一曰默言 霆如蛇曲明久而後止者人君
行不明莫以為是也 天不陰不雨但有霆者人君陰行欲
以求事實也

觀象玩占卷之四十二終

觀象玩占卷之四十三

電

總叙

電者陽精之發也先電而雷隨之者正雷先鳴而後電者陰勝
陽也其占謂之人君失德賊臣將起電色黃有電色赤白有
大風

雜占

電而无雷君絕命雷既息或未雨不雨而發于潭洞溪壑之中
者龍所為也不占 雷先鳴而後電執法之人貪剋
電如聚火而從人君絕命 電光晝夜燦地三日已上不止其

所發處兵起 電從日邊向月人多恐怖
霧而電入君默言行不得實而任情天下多寃

總叙

電者盛陽雨水温熱陰氣脅之而成電也五行傳以為聽不聰
之咎其占為臣制君亦為陰慘无息之象故凡兩電所起必
當之 感精符曰臣擅法則天雨電

雜占

電殺飛鳥君信讒言行罰于人也 系房曰電下毀瓦破軍車殺

馬者君任小人為政作威福也 電下剥木枝害五穀者上

以酷政賦歛而殺人者也 電下多而積雪臣欲殺君也

電下極地而暘者君私邪人而臣成之也 電下如積水者

邊將臣欲為逆 電下生芒狀如霜雪者人君酷欲害人也

電下而大風者君罰過度也 天鏡曰夏多雨電民飢

兩軍相持而天雨電者視風雨之所發順者勝師行而雨電

天不順也不避者敗

正月兩電臣逆君命大臣有暴死者 二月兩電臣專政命

三月兩電君威大猛 四月兩電民不安秋禾傷臣專命

六月兩電殺鷄犬君任小人臣不用命民不安 五月同 七

月八月雨雹殺物臣不忠九月雨雹不利牛馬臣地不化
臣為奸為冬兩雹臣逆命一曰大臣有殃臣不臣命

霜

天不總叙不述其類

天氣下降兩為露清風薄之而為霜所以肅万物消殺洽當

降而不降與當殺物而不殺也政弛而慢不當降而降與不

當殺物而殺者政急而殘故霜不殺艸與殞霜不殺蟲春秋

皆書以記異在國都則戒在君相在外則戒在守土之官

雜占雜占霜所以成万物刑罰所以誅不仁人君刑罰是行誅殺

京房曰霜所以成万物刑罰所以誅不仁人君刑罰是行誅殺

不當則天應之以殞霜于春于夏臣依公結私誅罰死罪則

霜下在土依公結私以緩有罪則霜附木殺罰不由上則霜

見風而飛此皆刑罰不法之所致也

霜未見日而消人君以刑罰行之喜怒也霜見日而不消人君

執法堅而不可犯也

天陰不見星而霜臣擅誅罰也一曰晝夜不明而殞霜君欲行

刑有疑于心而經行之也殞霜殺五穀刑罰慘酷也殞霜

不殺艸君威不行也京房曰人君誅死辜則非時殞霜

天鏡占霜不殺物來年虫害五穀大飢霜上樹頭而不下

地者不請決罪而上不下也霜在艸根土隙而不著木葉

高處者刑罰專施于下賤而无所伸也。霜无芒者人君行刑罰而哀其人也。霜有芒自聖賢遭害也。霜芒向下人君專以法繩下。霜芒傷指君以旁言刑殺人也。霜下冰翻其狀如雪者人君知其所信任為邪而不以為意也。霜不下而物自以寒死邪臣握法陰中人而人不知也。

春霜人病京房曰春霜殺州木是謂陰隆君弱臣強下不事上

又曰春下霜七日七年聖人滅夏霜君死國亡。三月霜下着物見日不消小人在位君子在野五果万物不實牛馬

冬三月无霜水不結來年蝗虫螟蟥傷五谷万物不成人灾病

京房曰欲候霜下早晚者正月一日有雷則七月有霜二月一日有雷則八月有霜。地鏡曰視古屋无人居者其瓦上獨

无霜則有寶藏在其下。軍中霜成芒角通于旗鏡之上師不可動。天霜昼下刑罰安人行。霜下有聲外兵未伐。

雪

雪本雨也寒甚而空中風結之。以成雪或過多或非時則為灾。

春雪不雜占。冬雪盈尺來年大豐八節占曰冬有積雪歲美人和穆天子傳

冬雪盈尺來年豐之候。

系房曰雪附木不着地人君聽讒殺忠臣也雪未至地而復上
久而復下人君欲寬死罪也雪而溫者人君欲脫有罪也
春雪不消天鏡占曰妻党專政擅執主威天下饑民死乙
己占曰正月雪三日內消或至地即化者歲成人安七日不
消大臣下獄秋穀不成亦為臣有不奉王命者二月雪七日
不消百果不實臣專政大臣死牛馬傷夏秋民不安三月雪
徑日不消秋禾不成米貴三倍人相食大臣憂夏雨雪有
大喪有大兵起詩雅度覽曰違夫紀絕人倫則夏雨雪君
死國亡系房曰司馬為礼
秋雨雪大喪民多死兵起大飢人相食乙巳畧例曰八月雪宮

中不安多疾病亦為有奸賊冬三月无雪来年麥惡五穀
不成虫生人灾

凡非時而雪皆為刑罰慘酷奸邪得志兵革將興軍敗國亡之
徵天鏡占曰雪陰氣盛也小人係公結私以脅主而專政
故雪二月而不止九月而即下厚則為旱薄則為水皆百九

十二日

冰

總叙

冰者太陽之精至柔而為剛陰極而生陽也當冰而不冰者政
失之舒也未當冰而冰與當釋而不釋者政失之急也故春

秋書无凶皆為國君失政權移于下之應

雜占

水以春冰地鏡占曰有兵歲不成

水以夏冰胡兵起人主起

死一曰歲飢民流 京房曰夏水冰其君疾病五穀不成有

大兵 水三月至九月有水皆為大兵起

春冰下女主昌大臣死民疫秋禾不成 秋冰入憂兵起 水

冬不冰地鏡占曰為飢為兵一曰有疫病一曰有易主地

雨

總叙

雨陰陽和雨天氣交之所為也大清之世十日一雨、不破塊

京房曰太平之時一歲三十六雨是謂休徵時若之應凡雨

三日以上為霖久雨謂之霖

雜占

天元云而雨謂之天泣其占為國易政若出軍逢之其軍必不

還 河圖曰主急急怒則無云而雨 抱朴子曰无云而雨

是謂血雨將軍當揚兵講武以應之兩大軍中尤甚者將軍

多敗 京房曰人君進无德賞无功則不云而雨

正月一日有風雨三月穀貴一曰正月一日有風雨其年大惡

微風細雨其年小惡風悲鳴疾作災起又曰正月一日風雨

米貴蠶傷風雨從西方未兵起正月一日无風而雨歲中下
田麥成禾黍小貴正月上旬雨卯穀貴一倍中旬雨卯谷貴
十倍 正月晦日風雨驪貴未惡

二月一日風雨谷貴未惡二日七日八日當雨不雨九月道中
有餓死人九日至十五日當雨不雨兵起十七日十八日當
雨不雨冬不蟄十九二十當雨不雨三月大旱二十六日
至二十八日當雨不雨有逆風從東來物損二月晦日風雨
多疾病死

三月一日雨井泉空二日雨澤先魚三日雨水旱不時四日雨
變易冷五日雨溝瀆滂六日雨垣墻毀七日雨决堤防八日

雨乘水行九日雨難可期 三月一日風雨民疾病百虫生
其日雷雨有旱 三月一日二日至三日當雨不雨秋多大
霧道有餓死人七日當雨不雨谷貴九日至十五日不雨兵
在外者罷十八日至二十日當雨不雨角虫死天下民有怨
二十日至二十七日當雨不雨冬虫不蟄民病 三月辰日
雨百虫生未日雨百虫死三月三日小雨蠶善大雨蠶惡三
月十六日雨桑柘賤

春甲寅乙卯日雨入地五寸穀小貴至夏大貴春甲申至己丑
日庚寅至癸巳日雨皆為穀大貴春雨甲申其年五穀熟
春甲乙日俱不雨民不耕

四月一日風雨米貴麥惡赤地千里 四月二日三日有雨其
年五穀熟四日至七日當雨不雨鰲虫各出民自恐不安其
春處十日至十四日當雨不雨歲惡十日當雨不雨大旱冬
温二十一日當雨不雨兵起東北千里三十日當雨不雨有
大風損物未四月四日雨五穀貴五日六日雨宜早麥傷四
日至七日風雨大豆熟 四月晦日雨至五月朔大飢其年大
水麥惡蝗虫生 日當雨不雨 日當雨不雨 日當雨不雨
五月一日風雨米大貴人食州水一日牛貴四日至七日當雨
不雨大旱虫生十一日至十七日當雨不雨 日當雨不雨
疾病二十日當雨不雨州水枯死二十三日當雨不雨乳母

多病二十六日當雨不雨大旱風至秋九月多雨二十九三
十日當雨不雨大暑熱 五月上辰日有雨蝗虫發一日虫隨而
下食未巳日雨同 五月晦日風雨米貴不則在其衝
六月一日風雨米貴三日四日六日當雨不雨角虫多死六七
日至二十日當雨不雨米貴二十日至廿四日當雨不雨下
田水人少食二十五日二十六日當雨不雨十日冷凍二十
七日當雨不雨下田水人飢 六月晦日雨未年春穀貴
夏甲乙丙丁日俱无雨人不耕 甲申至己丑日雨麥貴 甲
申日雨米貴 丙寅丁卯日雨秋谷貴一倍 夏三月丙寅
日雨百虫生未日百虫死 夏甲子庚辰辛巳日雨虫死有

雷亦然

七月一日大風雨米貴人多病瘟疽一曰未春米貴七月七日

大雨糴倍貴小雨糴大賤七月二十二日當雨不雨大水

二十三二十四日當雨不雨大風害物二十五日當雨不雨

兵起外國七月晦日風雨穀貴

八月一日風雨穀貴其日陰雨宜麥布貴麻子大貴占至三日

而止其日晴无云麥不實八月一日當雨不雨有大雷風二

日至五日當雨不雨民多妖言二十一日當雨不雨牛貴二

倍二十六日當雨不雨冬多大雪八月九日有雨牛貴一倍

八月晦日有風雨未年水旱京房曰八月晦日昏而雨

繒帛貴人定時雨貴人賤人貴夜半雨米貴嬰兒多損雞

鳴雨兵起一曰夜半雨過處寇賊起雞鳴雨兵事急民徙

其鄉

九月一日雨麻子貴十倍二日雨貴五倍一曰九月一日風雨

未年春早夏水九月一日當雨不雨霜早降殺物人棄妻

子十二日當雨不雨民多死二十日當雨不雨天下有愁

九月晦日有風雨有水歲惡

十月一日有風雨年内旱未年夏多水麻子貴一曰其歲惡一

曰十月一日大雨米大貴小雨小貴十月二日雨麻子貴五

倍十月三日雨當不雨江河決水逆流十三日至十五當雨

不雨多大風寒十九日當雨不雨小兒病二十五日當雨不
雨冬溫无水連年疾病十月晦日風雨穀貴五倍人多死
十一月一日風雨人多死十一月四日當雨不雨大旱八日至
十一日當雨不雨乳母多死十五日當雨不雨民不安其居
二十二日當雨不雨江河决魚行人道二十九日當雨不雨
民多死亡貧者富者貧十一月晦日風雨春旱穀貴五
倍京房占曰十一月晦雨水橫流又曰冬大雨君死國亡
十二月一日風雨來年春旱夏多雨穀貴四日至六日當雨不
雨大旱九日至十三日當雨不雨多大霧二十日當雨不雨
有角虫為賊二十七日當雨不雨有大風雨晦日風雨春

旱

冬至寅癸卯日雨春穀大貴甲申至巳丑日雨米大貴庚
寅至癸巳日雨風米賤收穀者折閱

春雨甲子六日旱夏雨甲子十四日旱秋雨甲子十四日滂

冬雨甲子二十七日寒雪又春雨甲申五穀熟夏雨甲申五

禾大美秋雨甲申六畜多死冬雨甲申人多病春雨乙卯

夏糴貴夏雨丁卯秋糴秋雨辛卯冬糴貴冬雨癸卯來春米

貴黃帝占曰春不款雨乙卯夏不款雨丁卯秋不款雨辛

卯冬不款雨癸卯以此四者占民安否若其日雨則疾疫起

凡四時卯日雨皆主糴價雨一卯斛百文雨二卯斛二百文雨

三卯三百文^雨四卯斛一^金勛

正五九月殺在丑二十六十月殺在戌三十七十一月殺在未四十八十

二殺在辰以此^日雨所建^過賊犯之期六十月

凡壬戌癸亥日雨以乘甲子旬乃止賊人伐貴者^{京房曰}諸

寅卯日小雨小急大雨大急丙午日雨有圍城^{戊午日雨}

霖三日其下大戰己卯日雨旱有兵起東方丁卯日雨旱有

兵南方己卯日雨旱兵起中央辛卯日雨旱有兵起西方癸

卯雨旱有兵起北方^{立春}春雨傷五禾^{立秋}雨害五穀

天鏡言曰雨三日以上不絕陰謀生異漢五行志文帝後三年大雨

晝夜不絕四十五日其後新垣平謀叛

凡雨作與^子四時旺相之日草木得之莫不榮茂其死因廢之日

雖有雨不能生物也

凡泰和之世雷雨必作于己午陰生之後至暮而止者吉若作

于子丑寅卯至午而晴者為亂為兵亡民失國先風後雨為

順先雨後風為逆雨止而風不止^雷云霧不散者國亂人災

凡先雷後雨其雨必小先雨後雷者其雨必大也

易候凡候雨以朔晦弦望云氣四塞者皆雨東風則當日雨黑

氣如牛羸者有暴雨黑氣如牛馬不出三日大風黑氣如羣

羊奔如飛鳥五日必雨黑氣如浮舟者雨^{蒼黑云細如}獅

絲蔽日^月五日內雨^云如兩人挺鼓持桴有暴雨^{四望見}

青白云名曰天塞之云雨微也

尚書大傳五岳云觸石而出皆不崇朝而雨京房曰諸六甲日

有云氣四合皆當日雨少云少雨多云多雨万不失一又云

六甲日无雨雲旬少雨月離畢之陰則雨離畢陽无雨

日秀有赤云如冠珥不有大風必有大雨

東方朔占子日東風卯日雨丑日東風辰日雨寅日東風巳日

雨卯日東風午日雨辰日東風未日雨巳日東風申日雨午

日東風辰日雨未日東風申日雨申日東風子日雨酉日東

風丑日雨戌日東風寅日雨亥日東風辰日雨

又曰甲子日雨丙寅日止止乙丑日雨丁丑日止丙寅日雨即

日止丁卯日雨夕止戌辰日雨半夜止巳巳日雨立止庚午

日雨辛未日止辛未日雨壬申止壬庚申雨即日止癸酉日雨

甲戌日止甲戌日雨即時止乙亥日雨即時止丙子日雨丁

丑日止丁丑日雨夕止戌寅日雨即時止巳卯日雨立止庚

辰日雨即止辛巳雨壬午止壬午日雨即日止癸未日雨甲

申日止甲申日雨即止乙酉日雨丙戌日止丙戌日雨夕止

丁亥日雨即時止戊子日雨庚寅止巳丑日雨壬辰止庚寅

日雨即時止辛卯日雨即日止壬辰日雨辛丑日止癸巳日

雨夕止甲午日雨即時止乙未日雨丁酉日止丙申日雨夕

止丁酉日雨己亥日止戌戌日雨辛丑止己亥日雨即時止

壬寅雨即射止

庚子日雨壬辰日止辛丑日雨壬寅日止癸卯日雨即時止
甲辰日雨即止乙巳日雨丙午止丙午日雨即時止丁未日
雨即時止戊申日雨庚戌日止己酉日雨辛亥日止庚戌日
雨即時止辛亥日雨癸丑日止壬子日雨癸丑止癸丑日雨
即時止甲寅日雨即時止乙卯日雨丙辰止丙辰日雨丁巳
止丁巳日雨即時止戊午日雨即時止己未日雨即止庚申
日雨甲子止辛酉日雨壬戌日止壬戌日雨即止癸亥日雨
即止子日雨立止不止丑日雨寅日止不止卯日止寅日
雨立止不止卯日止卯日雨立止不止己日止辰日雨立止
不止戊日止己日雨未止不止申止午日雨立止不止十日

高日止丑

陰未日雨申止不止戌止申日雨夕止見日不見日久陰百
日雨立止不止久陰戌日雨立止不止久陰亥日雨立止不
止久陰此其大槩也

露

此露德叙曰

露不降者天氣不下施也君不恤民之應其占為旱亦為其地

有火災

云漢

云漢一曰天漢一曰天河一曰河漢河漢起東方尾箕之間乃

云漢一曰天漢一曰天河一曰河漢河漢起東方尾箕之間乃

分二道其南徑傳說魚星天淵天籥天^升河鼓其北徑龜星
貫箕次洛南斗魁右旗至天津下而合南道乃西南行又分
而夾觜~~瓜~~然人星杵星造父騰蛇王良附路關道北端徑
木陵天~~即~~卷舌而南行絡五車徑北河之南入東井水位而^東
南行徑南河關立天狗天紀天稷至七星南而沒凡徑十有
九宿石氏曰漢乃為天一所生^每航而成者天所以東西南
北襟帶之限也天下河漢之源出于此天文志河漢自坤抵
艮為地之紀爾雅折水謂之津箕斗之間津也

雜占

漢天文志曰漢者金之氣也其本曰水漢中星多則多水星少

則多旱

出衆不被隱蔽、有風則動直而不激、便可占候、羽毛必須五
兩以上、八兩以下、蓋羽重則難舉、輕則易平、時常占候、必須
用鳥軍行權設、取使用羽、作蓍之法、取雞羽中破之、取其
多毛處、以細繩縛之、內中夾之、長三四尺許、屬竿上、其能塵
扶搖、四轉五復之風、各以形狀占之、
爾雅曰：風而雨土曰霾、陰而風曰噎、日出而風曰暴、迴風為飄、
焚輪謂之頽、扶搖謂之飈、
李淳風曰：按占風家多云：發屋折木揚沙走石等語。若每占中
俱着此語，其文至繁，今取其一家例之。

古云：發屋折木揚沙走石，今謂之怒風。多為不吉之象。一日
之內，三移轉方，古云：四轉五復，今謂之亂風。亂風者，狂亂不
定之象。元云：晴爽忽起大風，不經刻而止，絕而復，忽起古
云：暴風卒起，乍有乍无，今謂之暴風。以至有卒暴之事。
鳴條擢樹蕭，有聲，今謂之飄風。善惡徑音云：迅風觸塵
蓬勃，古云：觸塵蓬勃，今謂之勃風。迴旋羊角，古云：扶搖羊
角，今謂之迴風。者旋風也。迴風卒起而圓轉扶搖如羊
角，向上輪轉有自上而下者，有自下而上者，或平條長直或
磨地而上起，總謂之迴風。古云：溫涼清和塵埃不起，謂
之和風。古云：晴冥昏濁寒剋者，總謂之霾。噎

凡風和暢清悅溫涼通時塵埃不起人情恬澹是謂祥風
天色晦冥云氣昏濁風聲寒慘埃塵蓬勃是謂灾風
錯交札乍起乍止深藏難測其聲聒耳是謂小人魅惑風
風勢暴起南北不定離合氣埃是謂上下不寧風
冥、白日陰慘黃霧四合是謂化政未明風
此襟札高下蓬勃是謂天兵將至風
是謂刑罰慘烈風
風聲啾唧慘切令人悲戚是為喪風
風聲欬、如火奔馳乍起乍息為旱火風
五日人皆悲傷是謂水火殺人風
凡吉祥之風日色清明風勢和緩從歲月日時息上未或乘王
相而未去地稍高不揚塵沙人心喜悅是謂祥風人君得令
下施之應

凡凶灾之風日色白濁天氣昏寒風聲叫怒飛沙捲塵乘刑殺
而至當詳五音通八風觀其起止占之

今略諸家寒剋白濁為例諸稱寒剋白濁今謂之灾風
諸稱
清明溫和今謂之和風

占驗决法

凡候風須明知八卦審定干支或上或下或高或卑俱无乖越
然後可驗若失之毫厘差之千里不可不慎今先定六十四
卦十二支辰位總二十四分逐相衝破即知風所發所止然

後占之

凡風從戌來須抵辰自辛至必到巳二十四方先定其衝則未處

大明白辰卦既明自无失悞

黃帝占曰凡風之動皆不安之象也若在山川海濱空穴之間

風所出處皆不可占之以為常式若在宮宅城營之內戰陣

之所風勢異常揚走石日光昏濁則必占之

凡人君理順則春无凄風夏无苦雨先王之治以天下為家地

民為子風起異常用心察之若紛錯交橫乍起乍止濡墨深

藏習者減默

凡風暴疾南北无定交錯離合氣候相刑此風上應必在人主

李淳風曰巽為風、占灾異最驗凡候風須築臺高二十四尺

于上設竿令其四達无隱則遠近皆知期刻不爽矣

凡鳴條以上風起止皆辨其五音与歲月日時刑德合衝篡殺

五行行生剋旺相囚死以言吉凶仍有以六情推之万不失一

凡年月日時四殺五墓風從上素白濁昏塞皆為凶風其日三

刑最急坐不及起有賊暴至若行兵即防兵伏平時无兵防

人謀害

凡年月日時刑殺五墓風起天色白濁日氣昏寒與兵動衆逢

之急整武備

凡兩軍相當款分主客以日辰所得納音為客以時下十二辰

占風所來方為主若日辰納音能克時辰及方則客勝時下
支辰及風來方能克納音則客敗主人勝尋常家居亦以此
分內外

凡惡風黑氣三刑衝破墓殺風當日有大雨及三日內大雨者
其害皆散一日宮風當日雨微風三日雨羽風五日雨商風

七日雨角風九日雨但依日數得雨皆解官
凡風自衝來者為殃為喪為火為兵為大臣死即日占何國若

當時有大雨則不占
凡風滾雨及風後降雨皆雨氣也不占
凡風從太歲上來鳴條擺樹而天色清爽日光明麗着体清凉

溫和者祥風也天子有惠令法不私行大臣畏懼國昌民安
之象若風勢蓬勃揚塵蔽天着人寒慘日白无光兼刑帶殺

則為國有暴令月建來為大臣日為令長時上來為民
凡風溫熱逼人着地走沙吹石鳴條落葉為凶風以日辰占何

國亂荒人不安風勢和緩不揚塵土氣色清和日光皎潔
則以日占何國歲美人和

凡風起歲月日時惠上來鳴條落葉及宮日官時天門乾上發
風皆為吉風五音之日風起歲月日時刑上來黑色勃然

徑刺冥不見人形是謂妖風宮日為君以下四日為大臣死

其分不熟民安以日占國

凡風起三刑而隣干德不可分辨刑与德者以風言之德風鳴
奈索、維擺枝葉乍起乍止而去地尺外不動塵埃不揚沙
石日光不變是謂吉風且從吉占刑風着地吹塵漲天轉
石揚沙蓬、勃、乍紫乍慢日光昏暗是謂凶風宜從凶占

歲月日時方德刑墓殺例

干德

甲丙戊庚壬為陽、德自處、甲德在甲、丙德在丙、戊德

在戊、庚德在庚、壬德在壬、此謂自處

乙丁己辛癸為陰、德在陽、乙德在庚、丁德在壬、己德

在甲、辛德在丙、癸德在戊、此為在陰取合為德也

假令太歲在甲則歲德在甲太歲在乙則歲德在庚餘依上月

日時同歲取月、取日、取時及方時取方歲月亦兼取方

支德

歲月日時在子德在己、在丑德在午、在寅德在未、在卯

德在申、在辰德在酉、在巳德在戌、在午德在亥、在

未德在子、在申德在丑、在酉德在寅、在戌德在卯

在亥德在辰、以次順行前五辰是也

月干德

寅午戌月德在丙、亥卯未月德在甲、申子辰月德在壬、己

酉丑月德在庚

申子辰日亥卯未寅寅午戌巳酉丑
申子辰日亥卯未寅寅午戌巳酉丑

寅亥子丑卯戌辰酉巳申午未

未干德合

甲己 乙庚 丙辛 丁壬 戊癸

寅月歲月日時殺

寅午戌殺在丑 巳酉丑殺在辰 申子辰殺在未 亥卯未

殺在戌

寅月 吟呻殺

四孟月在酉 四仲月在巳 四季月在丑

歲月日^時刑

子刑卯、為刑下子為刑上 丑刑戌、為刑下未為刑上

寅刑巳、為刑下申為刑上 卯刑子、為刑下卯為刑上

辰刑辰、巳刑申、為刑下寅為刑上 午刑午、未刑

丑、為刑下戌為刑上 申刑寅、為刑下巳為刑上 酉

刑酉 戌刑未、為刑下丑為刑上 亥刑亥 子刑下未

者禍淺刑上者災深自刑者兼刑上刑下其灾尤深謂之三

刑者刑上刑下自刑也

五墓

亥卯未木墓在未 寅午戌火墓在戌 申子辰水墓在辰

巳酉丑金墓在丑 辰戌丑未土墓在辰

甲刑戊 乙刑己 丙刑庚 丁刑辛 戊刑壬 己刑癸

庚刑甲 辛刑乙 壬刑丙 癸刑丁

衝破十二支衝

子衝午、衝子、衝未、衝丑、寅衝申、衝寅

卯衝酉、衝卯、辰衝戌、衝辰、巳衝亥、衝巳

五音六屬法

四音五音 四音五音 四音五音

一言宮 二言徵 三言羽 四言商 五言角 六言商 七言商 八言角 九言角

六屬

庚屬震 辛屬巽 戌屬坎 己屬離 丙屬艮 丁屬兌

子午屬庚 丑未屬辛 寅申屬戊 卯酉屬己 辰戌屬丙

巳亥屬丁

乾主甲子壬午 甲為陽日之始壬為陽日之終子為陽辰之

始午為陽辰之終乾初在子則壬在午乾主陽內子外午

內為始外為終也

坤主乙未癸丑 乙為陰日之始癸為陰日之終丑為陽辰之

始未為陰辰之終坤初在未則乙在丑坤主陰故內主未外

主丑

震主庚子庚午 震為長男乾初主甲對於庚故震主庚以父

授子故主子午與父同也

巽主辛丑辛未 巽為長女坤初主乙與辛對故巽主辛以母

授女故主丑未與母同也

坎主戊寅戊申 坎為中男故主中干中辰

離主己卯己酉 離為中女故主中干中辰

艮主丙辰丙戌 艮為少男乾上主壬對丙故主丙辰丙戌是

第五配

兌主丁巳丁亥 兌為少女坤上主癸對丁故主丁巳丁亥是

第六配

以地十二辰合十干以十干所屬者命之以其言數納其音以

主一日日辰相配共得一音此納音之法也

假令求甲子所屬則子屬庚便從甲數至庚得七、言商

則甲子屬金矣乙丑同屬者陰從陽也兩干兩支相為陰

陽而干支自各有陰陽然後備也 求丙寅以寅屬戊從

丙數至戊得三、言徵故為火求戊辰則辰屬丙從戊數

至丙得九、言角故為木餘准此

李先生洪範五行之數水火木金土蓋是順理自此往南先經

後緯以土之合五音則以宮徵羽商角自聲主以集五音

形其尊卑故自南徂北先律而後經逆順先後蓋取聲形為
音也數兼奇偶聲為響也陰偶陽奇情動者逆行性定者順
入是以有逆順之理焉徵者火也火是南方体合二位故戊
己土同在南方五音之托始故以二位成体所以均互多少
逆標逆順猶六神之内火兼二將者也

又曰今月初分于庚見震象八日丁上見兌象十五日甲上見
乾象十六日平旦辛上見巽象二十三日旦丙上見艮象晦
日見離象朔日見坎象于戊巳中宮此納音所主從月未也
五音有納音金木水火土定五音有十二辰配五音有聽聲

五音所主宮為君商為臣角為事徵為令羽為物宮數一為
君為自徵數二為宗廟先人為鬼怪羽數五為境界為妻為
才商數七為子為臣為僕角數九為病為死為表

納音

甲子壬申甲午庚辰壬寅庚戌為陽商 乙丑癸酉辛亥乙未
辛巳癸卯為陰商 丙寅戊子甲辰甲戌及丙申戊午為陽
徵 丁卯己丑乙巳乙亥丁酉己未為陰徵 戊辰庚寅壬
午壬子戊戌庚申為陽角 己巳辛卯癸未癸丑己亥辛酉
為陰角 庚午丙戌戊申戊寅庚子丙辰為陽宮 辛未丁
亥己卯己酉辛丑丁巳為陰宮 甲申壬辰丙午甲寅丙子

壬戌為陰陽羽 乙酉癸巳丁未丁丑乙卯癸亥為陰羽
子為陽宮土主帝王 丑為陽徵火主火災主旱主宮寺口舌
寅為陽徵火主旱主火主燧燧 卯為陽羽水主雨霖
主水主霧 辰為陽商金主大將主吏士 巳為陽角木主
疾病主憂患 午為陰宮土主后妃 未為陰徵火主庶
人土功主蜚虫主詭語主書檄主旱 申為陰徵火主郵驛
尉候主旱火 酉為陰羽水主霜雪主雷電主沉陰主電
戌為陰商金主小將主兵刃 亥為陰角木主死喪哭泣

李先主曰自子至巳皆為陰律所生故為陽自午至亥皆為陽

律所生故為陰

五音相動風占

宮日風從子午宮未為宮動主人君出行急風暴起急出有急
令慢風慢出有善令以日干占知遠近 宮日風從陽宮未
山陵崩壞人君出行地動早有土功 從陰宮未地震裂若
后出行又為旱 一曰陽宮之日風從子午宮未君出行陰
宮之日風從子午宮未后出行 宮日風從子午宮未特加
子午為重宮君款行大臣走又為風雨不調 宮日風從寅
申丑未徵未為宮動徵有火有土功寶物出有兵特加徵為

重徵有義兵有詔令謂之義風 宮日風從卯酉羽未為宮
動羽且有大水不則大臣走若復為旱宮君羽君怒臣走宮土羽水
土盛水衰則火起故復為旱也 時加羽為重羽即有雨五
穀盛 宮日風從辰戌商未為宮動商為兵行且有客兵未
時加辰戌為重商有兵殃 宮日風從巳亥角未為宮動角
兵戰入主憂客兵傷有喪從陽角未邊兵戰有大喪宮為土
為君角為水土動水不勝故君凶水主哭泣故有喪時加巳
亥為重角君不昌有大喪伐 宮日大風從軋上未為暴雨
湧水若風不揚塵氣色和暢日光明盛不寒慘者國有喜令
艮未山陵崩壞人君出行水湧地裂 巽未蝗蟲生害五穀

徵日風從陽宮未土工起大旱火災頻起宮寺 風從陰宮未
太子有病時加徵為重徵有土功火災起 徵日有風從丑
寅陽徵未有火災君有恐走數害人宮寺多焚未歲大旱又
多火災 風從未申陰徵未人君憂走數為火災一曰六畜
多死時加丑未寅申為重徵國門四閉為火事 徵日風從
陽商未^字有急兵人主出以兵自安期七日若十日風從陰
商未^商邊有急兵戰一曰風從陽宮未輔臣強大臣死民有殃
以日占國 徵日風從陽羽未四隣有事寶物出陰盛于陽
且有雷電霜電事諸侯大臣多失火四夷兵起 從陰羽未
寶物出多震電四夷有事 徵日風從陽角未^字有兵起邊有

急金克木、子火又克金故有兵亦有喪從陰角未邊有
驚火一曰邊兵大起春有喪

羽日風從陽宮未人將財物聚君有更令邊兵起有土功將受
命有集會有寒電 風從陰宮未暴寒傷物有水有土功兵
集 羽日風從陽羽未白有白衣聚有大喪大寒雪雹期五日
若五十日且有大雨 從南方未國有憂人多病雨從北方
未賊聚水中且有雪雹陰羽日應陽羽夜應
羽日風從陽徵未國有急令臣有憂閩果塞道路不通從陰徵
未也兵憂 羽日風從商未兵圍城不戰也 有急閩果不
通天雨各軍不利金水母子不和故不戰羽為角除害象臣為

君討賊故動必大雨不出戰故也 羽日風從角未邊兵
圍城、破一曰兵不解時加巳亥為重角有圍城有大喪

商日風從陽宮未戒太子忌恣大臣有急兵土工商金母憂其
子故為太子亦為人主有疾 從陰宮未庶子有憂有急變
兵起北方 商日風從子未國邑受令兵行將在外兵退一曰
戰邑受兵令而行徵為号令商為兵商受徵剋故兵退一曰
有小旱時加徵為重徵有火有旱 商日風從羽未大雨水
歲大荒國憂乱有兵起東方水從金生故有大兵大水之事
商日風從陽商未白有白衣聚衆自立且有大雨水閩果不
通大將出忌外兵邑有小寇人君憂國門四塞兵在西方

從陰商未國有大災粟貴邑有兵風怒期七日若七十日有
急令兵大起商為金二金並行故為有大兵六曰商日風從
商未大臣死商日風從陽角上未有不從陰
角上未有不喪土功作
角日風從陽官未兵從中起君憂國門四閉從陰官未有大
喪貴人多病疾有土功官為君角主喪死故為大喪角日
風從徵未大臣死六防火虫生粟貴一曰吏檢人財有兵食
粟寶物出角日風從羽上未有大雨土工與邊有兵卿大
夫多口舌疾病六為夷人相奪角日風從商未有急兵臣
不忠角日風從陽角未邊兵起入主憂有賊至戰不勝多

死亡從陰角未有大喪一曰遠喪至特加角有喪有
邊兵戰盜賊起粟貴民飢野多死人角主死喪重角尤甚

已上係古風角書乃樂產本李淳風先生刪其煩亂著之

于占然陰陽五音所生六有不全宜細祥之

凡五音惟宮日占在君以下皆為大臣令長庶官万民當之

仍以日辰言國

宮日風鳴奈已上止于官者皆為人君出從德鄉未以惠事出

從刑鄉未以刑事出溫和清明以喜事出寒慘昏濁以

憂事出

徵日風卒起官宅皆為土功與作若潰札則為聚眾徵日風鳴

條已上發止于徵及卒起宮宅之中皆為失火口舌爭鬪追
召之憂若風從徵未時加徵皆止于徵者宮寺失火

羽日風鳴條已上發止于羽及卒起宮宅之中皆為聚眾若寶

物出入水渡水物為變之事若風從羽未若時加羽又止于

羽者皆為大雨水亦為酒食藥會

商日風鳴條已上發止于商及卒起宮宅之中皆為宮宅之中

有鬪兵傷若日納音克時則外人來傷主又若時克納音主

人傷客風從商來時加商又止于商即宮宅中必有自傷者

一曰陽商之日兵起于外陰商之日兵起于內

角日風鳴條已上發止于角及卒起宮宅中皆為疾病若時加

角而風從角來又向角去或止于角皆為外喪期九日若九

十日時加旺為君長相為臣子及妻死囚休為下賤以風起

之方決其人及其在角雜羽為水死雜徵為燒死雜商兵死

雜宮囚死雜角病死

大凡風起止日時方位徵多為火 羽為多水 商多為兵為

粟貴 角多為疾疫 宮多為吉 須鳴條已上拔樹揚塵

吹沙走石落葉擺樹乃止占

宮日風從徵羽上未皆為民不安 從角徵未為火起 從角

未又為疾病 從宮羽商未皆為糶貴 羽未又為水滂

商未亦為有火 須蓬勃叫怒吹沙走石日光昏慘乃占後

今此

徵日時加徵怒風勃起從商未天色黃黑疾作火燒倉庫此字商

徵者事疾即徵日時加羽勃風從徵商角上未天色昏冥

為燒市肆或徵日勃風從羽上未先陰寒後熱火殺人

羽日時加羽風從羽起有疾痛疫以風止處為災止之月如止

于寅則正月止也或羽日風從商角上未時加徵者月內米

貴人不安或商日風從商角上未時加商角粟貴人疫

商日風從商角上未時加商角粟貴人疫或商日風從徵商角起

粟貴且有火災或角日風從徵商角上起火災

角日風從商角上起粟貴人疫或角日風從徵商角上起火災

為粟貴或時加角徵或從他處起而止于角徵皆為有火災

庚子年五月十日

庚子年五月十日

庚子年五月十日

庚子年五月十日

庚子年五月十日

庚子年五月十日

庚子年五月十日

庚子年五月十日

庚子年五月十日

庚子年五月十日

現象玩占卷之四十五

風角

五岳之音

五岳之音以納音為論若風發屋折水揚沙走石或至三日已

上乃占不能發屋折水揚沙走石不盈時而止者雖凶亦无

大害

東岳之音

東方寅卯之角國有大寇入疾病庚寅辛卯是也寅卯之徵有

妖言鬼神之書作妖有火災丙寅丁卯是也寅卯之商國有

大兵客主攻伐之事賊出燕趙壬寅癸卯是也寅卯之羽有

暴霜雹水災蝗虫起甲寅乙卯是也寅卯之宮帝不安其郡
有出行寶物出有善令以財物賜庶人戊寅己卯是也

東方寅南丑之音

南方己午之徵國有夷狄之害遠人謀乙己戊午是也己午之
羽有江海賊或水中船中害人癸己丙午是也己午之商國
之大臣親事人民強亂辛己甲午是也己午之角牛羊疫死
魚死水中民多移動己己壬午是也己午之宮天子欲驚暴
亂賞有功逐佞人封有德己己庚午是也

西方申酉之音

西方申酉之角軍民內移出乘舟沒溺凶壬申癸酉是也申酉

之角有貴人災使者至有奸兵起庚申辛酉是也申酉之宮
臣爭財不恤國戊申己酉是也申酉之徵有內臣謀逆丙申
丁酉是也申酉之羽霜雹非時秋水災兵動水賊起民疾病
五穀不熟甲申乙酉是也

北方亥子之音

北方亥子之羽蝗虫卒起霧傷万物癸亥丙子是也亥子之商
外兵為患水中賊起辛亥甲子是也亥子之甲三公憂喪人
疾疫己亥壬子是也亥子之宮土子事起兵行丁亥庚子是也
亥子之徵皇后憂太子有暴喪己亥戊子是也

中丑之音

四季辰戌丑未之宮有土工民人流移牛羊疫丙辰丙戌辛未
辛丑是也辰戌丑未之徵山賊出流言于民怖歎延亡甲辰
甲戌己未己丑是也辰戌丑未之羽民詠妖言有流移之災
壬辰壬戌丁丑丁未是也辰戌丑未之商五穀不熟民多災
死庚辰庚戌乙丑乙未是也辰戌丑未之角夷狄兵起胡人
作亂寶物出戊辰戌戌癸丑癸未是也

五音風聲占法

李淳風曰凡占風必知風之情曉風之聲五音者五行之聲皆
出于黃鍾之管黃鍾長九寸其聲最濁而為宮其數九、九八
十一分增減以生上下故三分減宮一分餘五十四三分益

一為七十二三分減一餘四十八三分益一為六十四以成
五音之數聽聲之法必須耳察大小清濁必以度數正之度
正則聲亦正不可以文載口諭姑言其梗槩云宮風聲如牛
鳴窖中隆、如雷鼓響、微風聲如奔馬炎火如傳羸駭走
羽風聲如擊濕鼓如麋鹿鳴如水楊波激氣相磋、商風聲
如離羣羊如扣鐘如蜚羽之集如鳴咽流水如聲感人、角風
聲如千人語振、然令人悲哀如人叫啾啾如雉登木如嘯如
呼、宮風發屋折木有土功在宮中人若內煩宮為君怒則自
動其心故曰煩不出十日遠百日宮整有所^{數也}之風以動之
不安故有所之且有急令風怒急也貴人相^輔斬內主不安

相疑忌天下兵起上下不安故兵起盜賊滿市人飢不救國
亂上下不恤車馳馬奔流亡不止宮土動故人移居也做此
徵風發屋折木出火災不出三日若三十日更憂自行四方
告急事或有大火災妖言為幻百姓驚恐自亂凡言吏者理
人之官上至三公皆是徵主熒熒故四方告急也 羽風發
屋折木不出五日若五十日谷大貴人以水為憂有大喪后
妃黜珍寶大出 商風發屋折木不出七日若七十日有急
令兵大起驪大貴國門四閉備守禦關梁塞兵從中起 角
風發屋折木不出九日若九十日有急賊聞戰驪大貴民相
食有大死喪疫癘

已上係風聲占占日辰五音不全然六須以日辰未方相
泰課之

雜占五音風

凡五音之風從木墓上未或時加墓或止于墓皆主大臣有死
喪疾病或熱或為火災若蓬勃有聲吹沙走石大凶三日內
有雨則災不成 歲墓上未人君不安 刑上未后不安
月建墓上未宰相大臣有病主死 日墓上未以日占其分
長吏死民不安米貴在刑月及本月內 時墓上未受風之
處小兒多死 月建刑衝上未受風之處米貴人安若帶角
徵日時及方加火墓上上蓬勃叫怒吹沙走石天色暝晦乃

占若天清月明氣色溫和不揚塵沙走石者其風雖大未可
輒以此斷

凡五音之日風來色黑不覩人面先紫後慢徑刻止者主疾病
惟宮日其占在君其下四日以日占其地大臣死民流亡期
以支干合數假令甲子日二九之數近十八日遠百八十
日更遠則九年

諸宮日風頻起白日沉冥霧起四塞或熱或寒邊境不寧臣下
逆命宮日寒風切、人民戰慄人君用刑急刻誅罰不中
宮日亂風啾唧有声令人悲慘鳴條落葉冷氣逼人有大
喪大臣殃宮日風蕭、習、擺樹鳴條去地稍高不揚沙

土日色清明天色和暢或從歲月日德及合上未謂之德風
天子有德大臣忠正天下太平

凡受宮之日風從乾天門起鳴條上至發屋折木風氣清涼止
于德合日光明潔是謂王風宮日風起于坤鳴條以上不
揚沙石天氣清爽日光明盛是謂相風皆為天子有德臣子
忠孝五穀豐熟四夷歸順百姓安樂康泰安寧

庚子陽宮之日夜半宮時大風從子未折木發屋止于辰此為
宮入墓天子有憂喪白服大臣死期九日若九十日庚午
陰宮之日半夜大風從子午上起折木發屋止于辰此皇后
卒暴灾病期九日若九十日庚子陽宮之日夜半風從巳

酉上起止于午凡調不怒不勃天子有喜若五后期九日或
二十七日丙戌陽宮之日有風從未上未止于戌民憂疾
病以日占國皆是例其餘依此占之
諸徵日風從艮上起天氣清涼日色和暖赤黃云滿天天下和
平五谷豐熟君憂國昌 徵日風從炎熱氣逼人或從徵上
未或止于徵或帶刑殺五墓皆為火災不出三日有
諸羽日風從坤上未起鳴條已上癸屋折木日色溫和天色清
爽白云滿天下安寧人主壽昌 羽日疾風天下昏人大
疾多賊盜
諸商日風從巽上起鳴條已上天色清明氣色和舒青白云遍

天、下安寧人主壽昌

諸角日風從乾上起鳴條已上天色清爽日色明盛黃云遍天
君令大行百姓安寧五穀豐登 角日疾風天下昏兵大起

角日大風天上未止未入墓中大臣將相死近期九日遠二
十七日以日占其地以此為例 凡五音之墓皆准此

四季二行在此

巳巳受角之日風從巳亥角上未止于亥百已者為丈夫長吏
客死亦為民殃以日占國 凡風起五墓為死喪事官羽墓

在辰商墓在丑徵墓在戌角墓在未宮主君四音主大臣國
戚及臣死表 風從五音王相方未止於王相又主壽昌百

姓安

四季受角之日風從未上未連三日至九日人疾病若風從巳亥上未寒慘止于未者人死
喪以日占國期九日若二十七日五音日皆准此

五音主客占法

凡日辰納音為客風所從來之方為主人日辰納音者甲子乙丑商丙寅丁卯徵是也風來之方子午為宮丑未寅申為徵是也

假令今日甲子納音商為金而風從未申丑寅上未為商動徵、火克金主人勝若風從巳亥上未為商動角、木受制于金客勝他倣此

又日辰納音為客加時為主人假令今日丙寅納音是火凡起之時、如卯酉為徵動羽、水克火主人得羽主勝若時加辰戌為徵動商、金受徵火克主人得商則為客

勝他倣此

又如今日甲子商客也時加丑未寅申為主人勝而風又從又從丑未寅申上未即是兩火共攻一金主人于是大勝餘准此

又凡從日刑上未客勝時刑上未主人勝此亦為時與日相刑也凡言主客之法軍從遠來者為客居此也者為主又先起者為客後應之者為主若兩軍相持以先動者為客後動者為主如兩人相擊以先舉首者為客及後舉首者為主有氣勝无氣敗凡言主客者莫不准此

六情占法

此方之情好水也好行貪狠申子主之水生于申盛于子其性
趨下浸淫漸漬觸物而潤故其情為好而無殺則為貪婪故謂之
主貪財嗜利強奪橫取欺詐騙收劫盜竊之事其日凡從
本方未不出七日潤梁有驚不則自兵往攻他界

貪狠之日時加貪狠風從貪狠上未有盜賊劫奪人物只
起此方若寒慘昏急則傷人不則小盜公正上未有報
仇怨者揚兵相擊歲月在丑未大凶奸邪上未有惡人
持物至廉貞上未有人持物相賂寬大上未家人持
禮相候款求財物陰賊上未有人以陰賊事相連引不
則出外以獸傷貪狠之日時加奸邪陰賊風從奸邪或

從陰賊上未必有盜賊劫殺之事

東方之情怒水也怒行陰賊亥卯主之水生于子盛于卯其性
屈曲受水而生貫土而出陰映閉匿故其情為怒為逆賊
所養故謂之陰賊主陰謀陷害屈曲邪佞叛逆戰閉暴戾殺
傷之事其日凡從本方未不出七日有陰賊人偷營碎寨事
陰賊之日時加陰賊風從陰賊上未有賊於閉在所居內
必傷人貪狠上未有賊自爭財相殺公正上未外人
謀內寬大上未告客行財與人廉貞上未有巢處之
士為人所劫一曰士人為劫奸邪上未有媚人東未若
東家媚人勿前之事是伺隙而為盜者陰賊之日時加貪

狼風從奸邪上未或正貪狠陰賊必有盜賊逆亂殺人
南方之情惡火也惡行廉貞寅午主之火生于寅盛于午其性
猛烈无所容納故其情為惡、則忿惡疾邪不染污穢故謂之
廉貞主賓客禮儀嫁娶燕享固議忠信舉用賢良迂官慶賀
之事其日風從本方未有相辨然事一曰有長者事里未相
慶賀

廉貞之日時加廉貞風從廉上未清和條暢有貴人慶賀
燕樂若帶刑殺或昏冥寒慘則因而生怨 貪狠上未有
人爭財一曰有客未求財物 寬大上未有迂官詔命貴
客酒食燕樂一曰有人以財物未求好 公正上未有貴人

有事相問一曰有報仇怨者 姦邪上未有人符召上女祭事
不則有奸人設計相結 陰賊上未有賊欲劫竊不帶刑
殺无害 廉貞之日時加寬大風從廉貞或寬大上未或
止寬大有樂貴人以酒食相樂

西方之情喜金也喜行寬大己酉主之生于己盛于酉其性剛
利、又加物无不寬大故其情主兌喜秋成軋體天故謂之
寬大主福祿賞賜酒食施于貴人君子聚集賜賀覃恩登之
其日風從本方未兵士在外不戰有喜

寬大之日時加寬大風從寬大未有貴人請召飲食賜與
奸邪上未有妖人為怪媚人欺夫一曰有乘我不虞以為

欺者貪狠上未有爭財者一曰有惡人相遺物 廉貞
上未有近官賞賜 陰賊上未防陰賊詭計 公正上未
貴人詔問 寬大之日時加廉貞或寬大風從廉貞寬大上未有貴客至
慶賀

上方之情樂行奸邪辰未主之上方地與東也陽氣之所萌生
故為上方辰窮水也未窮水也木落歸土水流歸未水利在
亥水利在申利而无阻故樂水性智旁則奸水性上出窮則
旁行故謂之奸邪主欺給不信淫泆邪慝蔽善與惡奸私疾
病之事其日風從本方未七日内有賊若陰人誑詐虛驚一
日風清和帶德則為婚姻往來寒慄帶殺則為奸為賊

奸邪之日時加奸邪風從奸邪上未主人有謀若出有疾
病 陰賊上未有宿怨者相攻有流血 公正上未有人未
欲報仇怨 廉貞上未有文書若有以奸盜相引 貪狠上
未有賊謀持物至去 寬大上未有人相請因酒食生病
奸邪之日時加陰賊有風從寬大上未有人持酒禮相
候謀賊害者

下方之情哀行公正丑戌主之下方南與西也陰氣之所萌
生故為下方戌窮火也丑窮金也金剋火強各歸其鄉火刑
于午金刑于酉午與酉金火之盛也盛時受制主窮而无所
歸故哀火性无私金性主剋故為公正主報怨復仇主諫諍

主驚恐主兵主誅暴亂主訟其日凡從本方未有忠臣直諫
國有喜報仇有功兩軍相守大將未降不出七日敵兵自敗
公正之日時加公正有風從公正上未吏人相爭仇人報
怨陰賊上未下人陵上奸邪上未人有款告言部吏
私財物者貪狠上未有亡失逐蹤相牽引有吏爭物
相傷廉貞上未有迂官之事寬大上未出逢酒食
公正之日加廉貞凡從奸邪上未有誠信之士報仇未作人

六情例

第一本情甲乙主之
第二合情丙丁主之
第三刑情戊己主之
第四衝情庚辛主之

第五鈞情壬癸主之

合情用本日支辰所合

衝情用本日支辰所衝

本情

第本情用本日支辰
刑情用本日支辰所刑
鈞情陽日用支後第三辰
陰日用支前第三辰本辰

甲子陽商貪狠

乙丑陰商公正

甲申陽羽貪狠

乙酉陰羽寬大

甲辰陽徵奸邪

乙巳陰徵寬大

甲戌陽徵公正

乙亥陰徵陰賊

甲午陽商廉貞

乙未陰商奸邪

甲寅陽羽廉貞

乙卯陰羽陰賊

合情

丙寅陽徵陰賊

丙子陽羽公正

丙戌陽宮陰賊

丙申陽徵寬大

丙午陽羽奸邪

丙辰陽宮寬大

陽刑情

戊辰陽角奸邪

戊寅陽宮寬大

丁卯陰徵公正

丁丑陰羽貪狠

丁亥陰宮廉貞

丁酉陰徵奸邪

丁未陰羽廉貞

丁巳陰宮貪狠

陰刑情

己巳陰角貪狠

己卯陰宮貪狠

戊子陽徵陰賊

戊戌陽角奸邪

戊申陽宮廉貞

戊午陽徵廉貞

衝情

庚午陽宮貪狠

庚辰陽商公正

庚寅陽角貪狠

庚子陽宮廉貞

庚戌陽商奸邪

己丑陰徵公正

己亥陰角陰賊

己酉陰宮寬大

己未陰徵公正

辛未陰宮公正

辛巳陰商陰賊

辛卯陰角寬大

辛丑陰宮奸邪

辛亥陰商寬大

庚申陽角廉貞

辛酉陰角陰賊

鈞情

壬申陽商寬大

癸酉陰商貪狼

壬午陽角陰賊

癸未陰角公正

壬辰陽羽公正

癸巳陰羽貪狼

壬寅陽商陰賊

癸卯陰商廉貞

壬子陽角寬大

癸酉陰角奸邪

壬戌陽羽奸邪

癸亥陰羽廉貞

此言六情日依此時与方止用支辰以本辰言之
六情風鳴所起加時占

己酉寬大之日

時加己酉風鳥鳴其上若時加王相當言有

長吏休廢囚死當日有酒食時加寅午有酒食辭讓者

時加丑戌有酒食口舌爭訟時加亥卯有以酒食相謀者

時加辰未^有酒食女人口舌時加申子有酒食爭財

申子貪狼之日時加申子鳥鳴其上時加王相當言羣賊攻

劫休廢囚死當言有盜賊事時加寅午有善人說改劫

事時加己酉^有酒言攻劫之事時加丑戌有盜賊詞訟

或文書追盜賊事時加亥卯王相則有羣賊攻劫事体死

則小盜時加辰未^有婦人說盜賊事

寅午廉貞之日時加寅午鳥鳴其上時加王相當言長吏休

廢囚死當有諫諍事 時加巳酉有遠書至 時加申子有

酒食爭財物事 時加辰未 有陰私婦女口舌 時加丑戌

有酒食 時加亥卯以酒食起爭相殺

丑戌公正之日 時加丑戌鳥鳴其上 時加王相有長吏公正

之事休囚當有吏未相慰問 時加巳酉有公正酒食賜与

時加寅午有公正辭讓慶賀 時加辰未 有吏未說陰私

盜賊事 時加申子 有吏未說公正欺詐事 時加亥卯有

吏未說盜賊相殺傷事

亥卯陰賊之日 時加亥卯鳥鳴其上 時加王相羣賊大戰囚

死有爭鬪相殺事 時加巳酉有酒食相傷 時加丑戌有

受逐賊相害 時加寅午有婦女鬪傷事 時加辰未 有婦女

奸事鬪傷 時加申子 貪狼有兩賊自相攻劫

辰未奸邪之日 時加辰未鳥鳴其上 時加王相當言有長吏

未捕奸作休死當有口舌事起 時加寅午有謹恭人言奸

淫事 時加巳酉有酒食陰私事 時加丑戌 有吏未捕奸

私陰謀事 時加申子 有陰謀爭鬪劫盜事 時加亥卯有

賊兵相害事 巳上六情之日鳥鳴及風起于本情方上則

課其時依法占之

凡陰賊之日有飄風從四季辰戌丑未上未時加四季或羣鳥

飛從四季上未時加四季皆為閉閉搜索之事若值休囚

死即在近道 假令今日風起市中若羣鳥疾飛從其方未
即時搜索款知所捕何事時加丑戌則是仇怨辰未則是盜
賊殺人賊亥卯王相是大賊

十干風并十二支辰風占

巫咸曰諸甲日大雨丙日必雨不雨則海中兵起

粟貴也夷內侵 丙日大風有獐兵來圍邊城 丁日大風

大傷物人畜俱有疫且旱 戊己日大風土功興食物貴

庚辛日大風虫生人病宜急防邊 壬癸日大風北夷侵邊

子日大風兵起水中 丑日大風粟獐貴 寅日大風黃赤云

四塞有火災 卯日大風蝗虫大起 辰日大風人民移堡

居集大將出行 己日大風有大旱 午日大風邊防事急

未日大風土工大作 申日大風暴賊攻劫粟貴 酉日

大風肅、濡潤大雨水災 戌日大風胡兵大起 亥日大

風兵賊相攻人民哭泣 己上不論五音六情但風起風條

已上叫怒蓬勃揚沙走石折木發屋吹塵漲天日色昏沉天

風寒慘則以上占之仍心是占其災之大小

天門風占

天下多有出風之處名山大川皆有風穴惟天門所出風可占

天門者乾方也戌乾亥因為乾方

天門上發風擺木落葉天氣清和日色輝盛者天子有德令行

天下臣民皆喜

天門上散風去地尺餘不動塵土拂、然天色清明黃赤云遍

天謂之祥風天子款有赦令因入出獄罪天門西風下

天門上風起先急後慢拂、經時黃云通天忠良在任位君安民樂

天門上出風初慢後急吹沙走石折木穿屋黑氣通天經時而

止謂之邪風佞臣在位天子憂病若風止而雨則灾解

天門上出風初微而漸大擺木而有聲如雷吼經時而止天子

款行急令有赦年豐熟半日止五谷成賞人成天下安一日

止有大赦不出半半日半止天子發大使出安邊行惠令抚

問事二日止外國未朝貢天子有大喜二日半止天子款行

南郊祀大赦天下三日止天下五穀大熟遠夷入貢若風帶

大熱氣天下穀貴虫傷一分帶冷氣民勞若風色黑慘陰濁

天子有病三年定民不安物不成

八方暴風

此方吹風名曰廣莫風主冬至四十五日京房曰四時暴風起

此方主盜賊起天下兵動令人病濕帶下不能起居此方主

水主盜賊

東北方良風名曰條風主立春四十五日四時暴風起東北方

鬼行人道多旱疫天下水涸令人病淺变容冬春之交万物

变改良為鬼門

東方震風名曰明庶主春分四十五日四時暴風起東風入流
盜賊相攻天下旱歲飢人病變令四肢動搖

東南巽風名曰清明風主立夏四十五日四時暴風起東南方人
多病洩痢乳婦暴病死

南方離風名曰景風主夏至四十五日四時暴風起南方有火災未年
旱人多病熱生瘡目瞎離為目也

西風坤南名曰涼風主立秋四十五日四時暴風起西南方天
下兵動日月失色令人食不入口病腰脊股膝肩背皆腫坤

西方兌風名曰闔闔風主秋分四十五日四時暴風起西方主
為衆故兵動陽衰故日月失色

旱霜天下兵動日月蝕人多病瘡疥癬

西北方乾風名曰不周風主立冬四十五日四時暴風起西北

方天下大飢有盜賊相攻人流亡有病不起日月失色地動
人多病疽疥癩惡瘡疫病死喪右八方暴風但風起其方

即依上占京房曰八方風候八卦風氣春白夏黑秋赤冬黃
皆為下逆上兵革動各隨其部日辰占之乾為折風一曰衝

風坎為大剛風艮為凶風震為嬰兒風巽為弱風離為大弱
風坤為陰謀風一曰諫風兌為小弱風已上八風折木發屋

飛沙走石三日不雨則占大凡風為陽雨為陰陽怒得陰解
故風怒得雨即解之矣觀象玩占卷之四十五終

此是法華經的經之卷

歸善居士卷之四十五

蘇州府城內三日不雨限五日大旱必死斷而後斷斷者新刊

月內者新刊限一日新刊者限五日大旱必死斷而後斷

月內者新刊限一日新刊者限五日大旱必死斷而後斷

月內者新刊限一日新刊者限五日大旱必死斷而後斷

月內者新刊限一日新刊者限五日大旱必死斷而後斷

月內者新刊限一日新刊者限五日大旱必死斷而後斷

月內者新刊限一日新刊者限五日大旱必死斷而後斷

月內者新刊限一日新刊者限五日大旱必死斷而後斷

月內者新刊限一日新刊者限五日大旱必死斷而後斷

